

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Prima Pars Et Prima Secundæ Divi Thomæ Complectvntvr -
Qvæstiones Insvper Ad Mores & praxim spectantes, quæ peculiarem cum
Scholasticis habent connexionem, declarantur

Carleton, Thomas Compton

Leodii, 1659

Sect. I. In quo situs sit conceptus Perfectionis: ubi, de Perfectione
simpliciter simplex.

urn:nbn:de:hbz:466:1-13718

DISPUTATIO SEXTA.

De Perfectione Dei.

POST Dei Simplicitatem agit S. Thomas de illius Perfectione, variaque circa eam scitu digna, inquirit. Sancti igitur Doctoris vestigii insistentes, Disputationem hic de Dei Perfectione instituemus, eamque tum in Attributis ejus intrinsecis, secundum se spectatis, tum eorum ad res creatas comparatione facta, indagabimus. Ad quam tamen melius percipiendam, prius in quo sita sit perfectio inquirendum.

SECTIO PRIMA.

I. In quo situs fit conceptus Perfectionis.
Vbi de Perfectione simpliciter
Simplice

EFFECTUM, si nominis Etymologiam spectemus, idem est ac totaliter & consummata factum: quo sensu certum est Deo non competere, utpote qui omnino non est factus: quod autem factum non est, perfectum propriè dici non potest, ut notavit S. Thomas hic q. 4. art. 1. ad primum: & S. Isidorus lib. 1. Sentent. cap. 2. sent. 4. De consumptione, inquit, aliquus facti dicitur perfectio: Deus autem, qui non est factus, quomodo est perfectus? Alia ergo hujus rei notio investiganda.

II. Secundò itaque, ut in hac questione 4. a. 1. in fine corporis advertit S. Thomas, perfectum dicitur, cui nihil deest secundum modum sue perfectionis: quod ex Aristotele, 5. Meth. tex. 21. desumptum est, videturque communis hujus vocis acceptio, ut scilicet illud censetur perfectum, quod in suo ordine integrum est, omniaque habet, quae ei juxta naturalem exigentiam debentur.

III. Dices, hinc sequi, museam aut formicam aequè perfectam esse, ac Angelum; tam enim formicæ in suâ tenui re nihil deest, quam Angelo. Rep. museum & formicam, aut aliud hujusmodi, cui nihil eorum deest, qua illi naturaliter debentur, perfecti nomen aequè sortiri, sed non aequè perfecti: haec enim duo sunt diversissima; perfectum quippe patitur magis & minus. Quamvis namque perfectum illud omne sit, quod partibus suis omnibus constat, quo tamen partes sunt prastantiores, cù res illa est prastantior, & perfectior. Sic homo est multò perfectius comppositum lapide aut bruto. Sic in artefactis, exigua aliqua domus, ex terra, ligno, aur rudi aliâ materiali fabricata, si partibus suis omnibus constaret, esset perfecta, cum ad efficiam domus nihil ei deesset: at sine dubio perfectior multò domus esset amplius aliquod palatum ex marmore, aut pretiosâ aliâ materiali exædificatum, nullusque sanâ mentis, hanc domum non diceret illi multis gradibus anteferrandam.

IV. Perfectio duplex est, simpliciter simplex, & non simpliciter simplex, seu absolute, & secundum quid. Perfectio simpliciter simplex à Theologis communis-

ter ex S. Anselmo in Monol. c. 14. circa medium, simplex, & in Profol. cap. 5. & 11. fine, sic definitur: *perfectio, que melior est ipsa quam non ipsa in quolibet individuo.* Hujusmodi perfectiones sunt substantia, vivens, Spiritus, Actus purus, Deitas: item sapientia, Bonitas, & similia: quæ nimurum perfectiones alias se meliores, vel etiam æquales ab Ente in quo sunt, non excludunt; quis proinde melius est habere, quam non habere. E contrà vero, Corpus, Accidens, Potentia, & id genus alia, non sunt perfectiones simpliciter, sed secundum quid, cum perfectiones alias se meliores, nemper rationem Substantie, Spiritus, Actus puri &c. ab eo in quo sunt, excludant.

Id vero notandum: cum dicitur, Perfectionem simpliciter simplicem esse illam, quam cuilibet Ente, seu individuo, melius est habere quam non habere, intelligendum id esse de quolibet Ente, non in particulari, & secundum propria cujusque natum, sed generati sumpto, ut sensus sit, perfectionem hujusmodi illam esse, quam cuilibet enti, eo ipso præcisè quod En est, melius est habere quam non habere. Si enim propriam & particularem cujusque rei naturam spectemus, & juxta illam, hanc S. Anselmi definitionem interpretemur, ut nimurum illa sit perfectio simpliciter simplex, quam melius sit quodvis ens in particulari habere, quam non habere, ratio lapidis, aut ligni, & similes, erunt perfectiones simpliciter simplices, cum lapidi melius sit habere rationem lapidis, quam eam non habere, utpote quam si non haberet, destrueretur, cum in alienam naturam migrare nequeat: Unde illi melior est ratio lapidis quam Angeli: & universim, rei, etiam imprecisissime, melior est propriæ exilis perfectio, quam aliena quantumvis præfertans & excellens.

Addo tamen, non carere probabilitate, quod affirmat P. Arriaga hic, d. 49. sect. 3. num. 16. posse perfectionem simpliciter simplicem explicari in ordine ad naturam cujusque rei, etiam in particulari sumptum, modo comparatio non ab solutè fiat, sed conditionatè, ut nimurum illa sit perfectio simpliciter simplex, quam si per impossibile lapis, leo, aut equus ex g. habere posset, melior ei esset quam illa alia perfectio cum hac incompossibilis. Quam tamen acceptiō existimo in re non differe à precedente.

Dices, ex dictis sequi, Relationem Paternitatis in divinis (idem est de aliis) non esse perfectiōnem simpliciter simplicem, cum à Persona seu supposito Patris excludat perfectionem aequalē, Relationem scilicet Filiationis, & Relationem Spirationis.

V.
Quo partis intelligenda est hoc Perfectionis Simpliciter Simplicis descriptione.

VI.
Alio accipio perfectionis simpliciter simplicis.

VII.
Sintne Relationes in Divisionis perfectiones sunt simpliciter simplices.

TOMVS I. tionis passiva, quarum utravis æquæ bona ac perfecta est, ac Relatio Patris; ergo nulla Relatio divina est perfectio simpliciter, cum non sit melior ipsa quam non ipsa in omni Ente. P. Suarez i. p. lib. 3. de Trin. cap. 10. num. 4. ob hanc ipsam rationem affirmat, Relationes divinas non esse perfections simpliciter simplices: quod similiter docet Tannerus hic d. 2. q. 3. dub. 2. num. 4. assertus esse communem sententiam.

VIII. Negant aliqui hanc Relationes divinas esse perfections simpliciter simplices.
Alii censent Relationes divinas esse perfections simpliciter simplices.

P. Granado tamen censet, Relationes divinas esse perfections simpliciter simplices propter circumfessionem; licet enim Pater realiter distinguitur à Filio, Filius nihilominus est in Patre, & Pater in Filio, ac Spiritus Sanctus in utroque. Unde distinctione hæc Relationum nihil est Patre, vel ullâ alia Persona divinâ, excludit. Deinde Relationes istæ quamvis inter se opposita, omnes tamen cum Naturâ Divinâ identificantur, utpote cum qua nullam habent oppositionem, nullamque proinde ab ea perfectionem excludunt. Unde perfectionem simpliciter dicunt aliqui illam esse, quæ Melior est ipsa, quam non ipsa, non in quolibet Ente simpliciter, prout etiam includit suppositum, sed in qualibet naturâ. Relationes etiam hasce esse perfections simpliciter simplices affirmat P. Arriaga Disp. illâ 49. scđt. 3. num. 16. & alii. Utraque opinio est probabilis, & juxta fundamenta hic posita, facile defendi potest.

Idem, juxta diversas sententias de actu libero Dei, dicendum videtur de volitione Mundi, que nolitionem mundi æquæ perfectam atque est mundi voluntio, à Deo excludit. Si ergo actus Dei liber sit ad aquatâ intrinsecus, quamvis quoad entitatem & realiter nihil à Deo per volitionem mundi excludatur, excluditur tamen aliquid virtualiter, cum nequeat Deus simul intrinsecè velle & nolle mundi creationem, vellet enim contradictria. Siquis ergo propter virtutem hanc exclusionem, & istiusmodi inter hos actus pugnam, dicere velit, volitionem aut nolitionem mundi, vel alium quemcunque actum Dei liberum, non esse perfectionem simpliciter simplicem, per me licet, modò nihil dicat re ipsa & à parte rei per actum ullum liberum exclusi, quasi quidquam in Deo foret in effendo liberum. In aliâ verò sententiâ actum liberum Dei, quæ liberum, constitutive in connotatione alicuius extrinseci, in hac, inquam, sententiâ, nullus actus liber Dei ad aquatâ sumptus, potest esse perfectione simpliciter simplex, cum non sit ad aquatâ Deo intrinsecus, qualis esse debet omnis hujusmodi Dei perfectione.

X. Pestremò, Hic notandum cum Molina, i. p. q. 4. a. 2. d. 2. negationes & privationes non esse perfections simpliciter simplices, cum omnino non sint perfections, utpote quæ nihil sunt. Cum ergo dicitur, Perfectio simpliciter simplex est, quam melius est habere, quam non habere, per non habere non est intelligendum præcisè melius esse habere illius negationem, sed habere naturam aliquam excellentem, in qua negatio illa fundatur. Sic immobilitas ex. g. non est perfectione simpliciter simplex, quam proinde Enti quæ Enti, seu generatio sumpto, praefat non habere, non tamen propterea satius est, & optabilius, esse negationem equi quam equum: sed dum dicitur, melius esse non esse equum, sensus est, praestare habere naturam aliquam nobilem, putâ intellectualem, quæ scilicet maiorem vel æqualem sibi perfectionem non excludat, quaque negationem in se equi fundet, & exigat.

SECTIO SECUNDA.

Sitne Deus summè perfectus: Vbi, an,
& quomodo rerum creatarum
in se perfections contineat.

I. **D**EUM summè excellentem & perfectum esse, omnium vox est, ipsius etiam fidei calculo firmata. Sic Matth. 5. 4. 48. dicitur, *Estote perfecti sicut & Pater vester caelitus perfectus est.* Quod explicans Concilium Lateran. Capite Damnamus de sum. Trin. Estote, inquit, perfecti perfections gratia; sicut Pater vester caelitus perfectus est perfectio- ne nature. Summan vero declarat Ecclesiasticus cap. 43. v. 32. his verbis: *Glorificantes, inquit, Dominum quantumcumque potueritis, supervalebit enim adhuc, & admirabilis magnificentia ejus. Benedicentes Dominum, exaltate illum quantum potestis: major enim est omni laude, &c.*

In hac etiam veritate tradendâ & explicandâ, multi sunt Sancti Patres. Ex infinitis, quæ profertunt, pauca tantum de promam. Sic S. Gregor. Nazian. oratione 49. post medium: *Certe, inquit, hoc est Deus, quod cum dicitur, non potest dici; cum estimatur, non potest estimari; cum definitur, ipsa definitione crescit, quem omnia nesciunt, & metuendo sciunt.* S. Augustinus lib. 5. de Trin. c. 1. Intelligamus, inquit, *Deum, si possumus, quantum possumus: cumque varia de naturâ divine praestantiâ dixisset, subiungit: Quisquis Deum ita cogitat, eti nonnihil potest inventire quid sit, pie tamen caveat quantum potest, aliquid de eo sentire, quod non sit.* S. Anselmus in Proslogio, cap. 15. Ergo, inquit, *Domine es quidam magis quam cogitari possit.* Idem frequentes affirmant alii Patres: ad quam rem apposita Paraphrasis Chaldaica initium Psalmi 64. Te decet hymnus Deus in Sion, ita interpretatur, *Coram te reputatur sicut silentium laus.* Quasi diceret, tantas tamque incomprehensibilis est Dei excellentias, ut eas admirari satius sit, quam eloqui, facioque potius silentio involvendas esse, quam prædicandas.

Ratio denique est: Nomine etenim Dei intelligunt omnes supremum aliquod Numen, penes quod est creatio & administratio Universi: Deus proinde summâ potentia præditus sit oportet, & sapientia, ac reliquias perfections contineat his conformes, omniaque in se summa habeat: talis demum sit, quo *majus aut melius cogitari nihil posit.* Quod si aliud perfectius possibile mente occurret, hoc, non illud, censendum esset Ens supremum, Dei nomen ac Numen fortiter.

Deus infuper non solum Ens est, entium quæ cogitari possunt, perfectissimum; sed rerum omnium creatarum in se perfections complectitur, siveque Ens est, non in aliquo tantum particulari, sed in omni entis genere perfectissimum. In hac se continet. Sancti Patres, quam in precedente.

Probatur primò: Sacra enim Scriptura hoc variis locis aperit afferit. Sic Exodi 33. v. 19. dicit Deus Moysi, *Ego ostendam omne bonum tibi, volens nimurum aliquo modo ostendere scipsum.* Sic ad Rom. 11. v. 36. ait Apostolus: *Ex ipso, & per ipsum, & in ipso sunt omnia.* Item Psalm. 49. v. II. *Pulchritudo agri mecum est.* In quem locum S. Augustinus, *Cum illo, inquit, id est, cum Deo, est totum*